

KAPAS AWEWE fanniten SEIKITAAN EMON CHON TUMWUN – EMON NAU MI KIS SENI 18 IERAN (MINOR)

Ekkei pworous ra tongeni alisi aramas meinisin nge ese kapasen alluk mi kon tichik usun om case. Ika ka mochen pwisin tupuni, a lamot kopwe fitipachei meinisin alluk me kokkot lon ewe napanap emon soualluk a eani.

KAPAS AWEWE

- ◆ A lamot pwe ewe Minor (emon nau mi kis seni 18 ieran) epwe nonnom lon Colorado atun ewe fansoun kapwung a poputa ika ia ewe County kopwe atoura ewe tingor me ie.
- ◆ Ewe Minor are emon mi affani i e tongeni atoura ewe case.
- ◆ A lamot pwe echo repotun uruwoon tipis mi longolong woon iten emon mi pop seni ewe Ofesin Chosani lon Colorado (CBI) pwal echo minefo repotun liwinimmang (credit report) mi wene ngeni ewe chon tumwun ka tipeni, iwe repwe tour ngeni ewe Leenien Kapwung.
- ◆ Ika moni a towu ngeni ewe Minor, awewe chok Supplemental Security Income (SSI) are pwal ekkoch monien towu wi watte, are pisek auchea, awewe chok fonu are stocks, neman epwe lamot kopwe tingor fanniten wisen emon chon tumwun chok lon pekin moni pwe kopwe tongeni nemeniochu ewe moni are pisek.
- ◆ Ewe Leenien Kapwung epwe tongeni seikita emon Chon Tumwun fanniten emon nau mi kis seni 21 ieran, ika a ffat epwe efieochu ewe Minor are ika eu me leir ekkei ruuanu mettoch a weneiti:
 1. Ekkewe sam me in ra etiwa seikitaan.
 2. Pwungun ekkewe sam me in le tumwunu nour kewe a fen muchulo pokiten allukun ewe leenien kapwung.
 3. Ekkewe sam me in rese etiwa are rese tufich le apwonueta wiser wisen sam me in. Awewe chok, ra sopwelo are ra likitaalo nour we.
 4. Ewe wisen tumwunu a fen kawor ngeni pwal emon nge ra sopwelo are kuna feiengawen inis me ese fen isetiwi seikitaan emon chon tumwun me ren taropween letipan.
- ◆ Fanniten pwal ekkoch kapas awewe, kose mochen alleani §15-14-201 tori §15-14-210, C.R.S.
- ◆ Ika ka need allilis le tolong lon ewe leenien kapwung pokiten mi wor apwangapwangen are terin inisum, fos ngeni emon ADA Coordinator woon:
http://www.courts.state.co.us/Administration/HR/ADA/Coordinator_List.cfm

EKKOCH KAPAS

- | | |
|------------------------------------------------------------|----------------------------------------------------------------------------------------------------------------------------------------------------|
| <input checked="" type="checkbox"/> Chon Tingor: | Emon a atoura echo Taropween Tingor fanniten Seikitaan emon Chon Tumwun. |
| <input checked="" type="checkbox"/> Chon Tumwun: | Emon mi mwaren 21 ieran, ese lifilifil ika a nonnom non Colorado, mi seikaata an epwe tumwunu emon Minor alon allukun ewe Leenien Kapwung. |
| <input checked="" type="checkbox"/> Emon mi fiti ewe Case: | Ekkewe aramas alon allukun Colorado mi lamot epwe angei kapasen esilesil usun fofforun ewe leenien kapwung. Ppii Nampa 3 fanniter meinisin. |
| <input checked="" type="checkbox"/> Taropween Esilesil: | Kapasen esilesil e eita io epwe wiseni wisen Chon Tumwun. |
| <input checked="" type="checkbox"/> Minor: | Emon nau mi kis seni 18 ieran nge esaamwo ngas seni tumwunun pwal emon. |
| <input checked="" type="checkbox"/> Chon Tumwun ka tipeni: | Ewe emon itan mi mak woon ewe taropween tingor amwo epwe wiseni wisen Chon Tumwun. |
| <input checked="" type="checkbox"/> Ward: | Emon Minor epwe nom fan tumwunun emon Chon Tumwun mi seikaata. |
| <input checked="" type="checkbox"/> Order: | Taropween alluk epwe eita io epwe ewe Chon Tumwun me menlapei wisan. |

Ika kese weweiti ei pworous, kose mochen kopwe fos ngeni emon soualluk.

MOON

Moon om atoura ei epwe \$199.00. Ika mi wor lap seni emon nau kopwe atoura taropween tingor fanniter, kopwe kamo chok fan eu, nge a lamot ekkewe Taropween Tingor meinisin repwe tour lon chock eu ran. Ika kose tufich le mooni, kopwe tongeni amasoua Motion to File without Payment and Supporting Financial Affidavit / Mwokut le Atoura nge Ese Kamo me pwal ekkoch Minen Annet lon pekin Moni (JDF 205) me atoura ngeni ewe Leenien Kapwung. Mwirin kopwe atoura JDF 205 me echo Order (JDF 206), chon ewe Leenien Kapwung repwe filata ika ese kamo om kopwe atoura om tingor.

Pwal ekkoch liwin eli kopwe kuna:

- Minen Annet mi fiti ekkoch Order ika Taropwe \$20.00
- Liwinin Angangen Chon Leenien Kapwung Sokkopat
- Kapiin Taropwe lon pekin Alluk \$.75 iteitan pekin taropwe
- Ewe Leenien Kapwung epwe tongeni seikita emon Chon Tumwun fanniten chok ewe ttamen fansoun kapwung (Guardian ad Litem are GAL) an epwe chosani me repot ngeni ewe Leenien Kapwung, le alisaata ewe angangen filata ifa usun seikitaan emon Chon Tumwun epwe efeiochu ewe nau.

EKKOCH TAROPWEEN ALLUK

Le angei echo taropween alluk woon ewe internet, tiki www.courts.state.co.us atapa “Forms”. Ekkewe taropwe mi kawor lon PDF are WORD ren om fili **Probate - Protective Proceedings - New Case - Guardianship - Minor**. Kopwe tongeni amasoua online me printini are kopwe tongeni printini me mak woon lon ink mi chon me lon ewe napanap mi fokkun ffat.

Alleanfichi ekkeei kapas awewe le mirititi menni ekkeei taropwe mi fich ngeni om case, pun neman kopwe eani iir meinisin are ekkoch me leir kopwe eani. Ppii ika ia kopwe atoura om case ngeni me ie le silei ika mi wor pwal ekkoch mettoch kopwe fori.

- JDF 705 Probate Case Information Sheet
- JDF 714 Affidavit Regarding Due Diligence and Proof of Publication
- JDF 716 Notice of Hearing by Publication
- JDF 719 Waiver of Notice
- JDF 721 Irrevocable Power of Attorney
- JDF 800 Sileen Wisen Chon Tumwun
- JDF 805 Ketiwaan Wisen Chon Tumwun
- JDF 806 Notice of Hearing to Interested Persons
- JDF 812 Notice of Appointment of Guardian and/or Conservator
- JDF 824 Petition for Appointment of Guardian - Minor
- JDF 825 Consent of Parent
- JDF 826 Consent or Nomination of Minor
- JDF 830 Letters of Guardianship - Minor

Epwe pwal lamot pwe kopwe amasoua echo me lein ekkeei order mi longolong woon met sokkun wisen tumwun ka tittingor.

- JDF 827 Order Appointing Guardian - Minor
- JDF 828 Order Appointing Temporary Guardian - Minor
- JDF 829 Order Appointing Emergency Guardian - Minor

AALEN OM KOPWE ATOURA OM CASE

Kinikin 1: Amasoua ekkewe taropwe.

Om alleani ekkeei kapas awewe a wewe pwe kopwe atoura ekkoch taropween tingor le seikita emon Chon Tumwun fanniten emon nau a kis seni 18 ieran. Ika kopwe eani tingor fanniten lap seni emon nau, a lamot pwe kopwe amasoua echo tingor fanniten emon me emon meinisin. Epwe ina pwe en me pworouser meinisin mi chok monomon. Moon \$199.00 ina fanniten emon me emon Chon Tingor, nge esap fanniten en me en case. A lamot ekkewe Tingor repwe tour lon eu chok ran. A lamot pwe woon meinisin ekkewe taropwe ka eani, a masou ei pwoor fan. **Isoni ekkoch kapiin meinisin ekkewe taropwe kopwe atoura ngeni ewe Leenien Kapwung.**

District Leenien Kapwung Denver Probate Leenien Kapwung _____ County, Colorado Adresin ewe Leenien Kapwung:	▲ AEAN CHON ANGANG ▲
Fanniten: Minor	

Soualluk are Emon ese wor nour Soualluk (It me Adres):		Nampaan Case:
Nampaan Fon: FAX Number:	Email: Atty. Reg. #:	
		Division: Rumw lon ewe Leenien Kapwung:
ITEN EWE TAROPWEEN ALLUK		

- Petition for Appointment of Guardian for Minor (JDF 824).**
- A lamot pwe ewe Chon Tingor epwe amasoua **meininis** ekkewe kinikinin ewe taropwe mi weneiti ngeni ewe case.
- Ika kese silei io I ewe semen ewe nau (ese mak woon ewe taropween uputiw), iwe apacha echo kapiin noun nau we taropween uputiw ngeni ewe Taropween Tingor. Ika pwungun ekkewe sam are in le tumwunu nour we a muchulo are ra sopwelo, apacha ngeni ewe Taropween Tingor ekkoch kapiin ekkewe taropween muchulo are ewe taropween sopwelo.
- A lamot ewe Chon Tingor epwe sain ei taropwe.
- Ketiween ewe Wisen Tumwun (JDF 805).**
- Amasoua meinisin kinikinin ewe taropwe mi weneiti ngeni om case me apacha ngeni ei echo repotun uruwoon tipis mi longolong woon iten emon me minefo repotun liwinimmang (credit report) fanniten ewe Chon Tumwun ka tipeni.
- Apacha echo kapiin an ewe Chon Tumwun driver's license mi ffat, passport are pwal ekkoch ID mi pop seni ewe mwu.
- Angei me apacha pwe echo repotun uruwoon tipis mi longolong woon iten emon mi pop seni ewe Ofesin Chosani lon Colorado (CBI). Pwe kopwe angei na repot, fos ngeni CBI lon 690 Kipling Street Denver, CO 80215, (303) 239-4300, are tiki www.cbi.state.co.us me atapa woon CBIRecords Check.
- Angei echo minefo repotun liwinimmang (credit report) fanniten ewe Chon Tumwun ka tipeni. Ekkeei kompani mi tongeni fori ena sokkun repot:
- ◆ Equifax, Inc., P.O. Box 740241, Atlanta, GA 30374, 1-800-685-1111, or at www.equifax.com
 - ◆ Experian, P.O. Box 2002, Allen, TX 75013, 1-888-397-3742, or at www.experian.com
 - ◆ TransUnion, P.O. Box 2000, Chester, PA 19022, 1-800-916-8800, or at www.transunion.com
- Amoelo (mak woon) meinisin ekkewe social security nampa mi makketiw woon ekkoch repotun liwinimmang pwal meinisin ekkewe nampa chilon chok ekkewe saingon ruuanu nampaan bank accounts.
- Epwe wisen ewe Chon Tumwun ka tipeni le mooni liwinin ekkewe repotun uruwoon tipis me repotun liwinimmang meinisin.
- Ewe Chon Tumwun ka tipeni epwe sain ewe Taropween Ketiiween ewe Wisen Tumwun.
- Waiver of Notice (JDF 719).**
- Emon mi fiti ewe case ese lifilifil io (chilon chok ewe Minor) mi tongeni amasoua me sain ei taropwe ika ese mochen angei kapasen esilesil usun rongorong are mettoch me mwen ewe Leenein Kapwung.
- Ewe Minor (ewe nau a kis seni 18 ieran) ese tongeni amasoua ei taropwe. Ppii Minne a Lamot ngeni Kapas Esilesil lon **Nampa 4**.
- Irrevocable Power of Attorney (JDF 721).**
- A lamot nounoun ei taropwe **chok** ika ewe Chon Tumwun ka tipeni a nonnom lukun Colorado.
- Ewe Chon Tumwun ka tipeni nge a nonnom lukun Colorado epwe amasoua me sain ei taropwe mwen mesan emon Chon Angang lon ewe Leenien Kapwung (Court Clerk) are emon Sousain (NotaryPublic).
- Consent or Nomination of Minor (JDF 826)**
- Mi wor pwungun ewe Minor mi seikaata, ika mi mwaren 12 ieran, an epwe etiwa are u ngeni ewe wisen wisan chon tumwun. Ewe Minor a tongeni amasoua me sain JDF 826 le pwari an we kefil le etiwa are u ngeni seikitaan. Chon ewe Leenien Kapwung repwe ekieki meefien ewe Minor, nge an emon u ngeni ewe wis ese fokkun wewe pwe ewe Leenien Kapwung esap seikita i.
- Nengeni:** Mi chuen lamot kaworen taropwe lon pekin luku. Nampa 4 – A lamot awesin ewe Notice of Hearing to Minor (Kapasen Esilesil ngeni ewe Minor).

- Consent of Parent (JDF 825).**
- Semen are Inen ewe Minor a **tongeni etywa** seikitaan ren aean JDF 825.
- Letters of Guardianship - Minor (JDF 830).**
- Amasoua chok eu kinikinin ewe taropwe.
- Chon ewe Leenien Kapwung repwe amasoua meinisin lusun ena, iwe, repwe pwal sain mwirin seikitan ewe Chon Tumwun.
- Proposed Order (JDF 827, JDF 828 or JDF 829).**
- Fili ewe Order mi riri ngeni ewe sokkun wisen tumwun ka tingor. Minne ka tingor epwe pwal usun met ka fili lon nampa 1 woon ewe Petition – JDF 824.
- Amasoua ekkoch kinikin chok mi weneiti ngeni om case.

Kinikin 2: Ka molnata le Atoura ngeni ewe Leenien Kapwung om kewe Taropwe.

Awora ngeni ewe Leenien Kapwung ekkewe taropwe mi fich ngeni om case mi menlapei lon Kinikin 1 asan me moonatiw liwiniir. Meni ewe chon angang lon ewe leenien kapwung epwe erenuk pwinin maramen om rongorong are kopwe kori I le silei ineet ewe rongorong epwe fis. A fokkun lamot pwinin maramen me kulokun ena rongorong, pwe ka tongeni amasoua ekkewe taropween Kapasen Esilesil fanniten ewe Rongorong mi menlapei lon **Kinikin 3 me Kinikin 4.**

Kinikin 3: Kapasen Esilesil ngeni Aramas lon ewe Case. (Me ren Posto are Peres)

Mwirin ewe Taropween Tingor fanniten Seikitan emon Chon Tumwun fanniten emon Nau a tour me ewe fansoun rongorong a filata, kopwe (ewe Chon Tingor) esilei ngeni ekkewe ekkoch ewe kulok me leeni ia ewe rongorong epwe fis me ie pwal awora echo kapi ei Taropween Tingor ngeni:

1. Ewe minor, iki ewe nau mi mwaren 12 ieran
2. Ewe emon a era pwe ewe nau a nom fan tumwunun atun ekkewe 60 ran mwen ewe Taropween Tingor a tour
3. Ewe sam are in mi chuen manaw, nge are ika ese wor, ewe emon ririin a kkan ngeni ewe nau lap seni ekkewe ekkoch
4. Emon ewe minor a mochen nom fan tumwunun ika ewe nau a mwaren 12 ieran
5. Emon sam, in are chon tumwun mi seikita nge wisan esap pinepin are kauk fan allukun §15-14-203(1), C.R.S. are ewe mi seikaata a fen ketiw fan allukun §15-14-203(2)
6. Emon chon tumwun are chon tumwun chok lon pekin moni mi tumwunu ewe nau iei lon Colorado are pwal eu leeni

Kawor me ren Posto.

- Ika ka silei adresin ewe emon kopwe awora ekkewe taropween kapasen esilesil ngeni,** amasoua Notice of Hearing to Interested Persons (JDF 806).
- Tinaalo lon posto kapiin **meinisin** ekkewe taropwe me fen tour ngeni ewe Leenien Kapwung (kapachalong ewe Taropween Tingor fanniten Wisen Chon Tumwun) **me** Notice of Hearing to Interested Persons (JDF 806), mwaren 14 ran mwen ewe ranin rongorong.
- Amasoua ewe kinikin itelapan Certificate of Service woon ewe taropwe, eitaatiw ekkewe it me adresin meinisin ekkewe aramas ka tinaalo ewe taropween kapasen esilesil ngeni, pwal ewe pwinin maram ka fori ena, iwe atoura ngeni ewe Leenien Kapwung atun are mwen om fansoun rongorong.
- Ika kese silei adresin emon mi fiti ei case, iwe a **lamot** pwe kopwe aperesi kapasen esilesil usun ewe rongorong lon echo simpung. Ppii kapasen awewei mi makkei fan usun Kawor a Peres.

Kawor a Peres.

Ika kese silei adresin chokkewe mi fiti ewe case, are kese silei iter pwal om achocho epwe chok solapan, a lamot kopwe peresei kapasen esilesil lon echo simpung. Nge mwen kopwe fori ena, meni kopwe tongeni kutta woon ewe internet, fos ngeni noun kewe boss mi loom, chienan kewe, pwal ekkoch achocho le silei an we adres.

Notice of Hearing by Publication (JDF 716).

- Amasoua ei taropwe le peresei lon simpung mi choufetal lon ewe fonu ia ewe rongorong epwe fis me ie.
- Ewe kapasen esilesil epwe printini fan eu iteitani wiik fanniten ukukun ulungat wiik, ewe saingoon

ranin peres epwe mwaren 14 ran mwen ewe rongorong.

- A lamot pwe ewe Chon Tingor epwe angei echo taropween annet (publisher's affidavit) seni ewe simpung mwirin peres a wes. Ei minen annet mi kawor ngonuk, ewe chon angang repwe fori, epwe annetaata pwe ewe Notice of Hearing by Publication (JDF 716) a peres. A lamot ei publisher's affidavit epwe kapach ngeni ewe Affidavit Regarding Due Diligence and Proof of Publication (JDF 714). Iwe, ppii minne a makketiw fan

Affidavit Regarding Due Diligence and Proof of Publication (JDF 714).

- Amasoua unusen ei taropwe. Ewe popun ei taropwe ina pwe chon ewe Leenien Kapwung ra tongeni weweiti ifa ukukun om achocho le kutta ekkewe aramas mi etettelaatiw lon Notice of Hearing by Publication (JDF 716).
- Mi lamot ewe Chon Tingor epwe sain woon ena taropwe.

Kinikin 4: Rongorong.

Ewe Chon Tingor epwe fiti ewe rongorong lon fougoun aramas le pwaraalo pisekin annet an epwe awewe pwata emon Chon Tumwun epwe efeiochu ewe nau.

- Almonata pisekin annet le pwaraalo pwe ewe sam me in ra weweiti ewe case me tipeu ren seikitaan emon Chon Tumwun. Nge ika ewe Chon Tingor ese tongeni anneta pwe ewe sam me in ra tipeu ren seikitaan emon Chon Tumwun, iwe a lamot epwe pwaraalo pisekin annet mi affata pwe ewe sam me in rese tongeni are mochen apwonueta wiser wisen tumwunu nau, are pwe wiser wisen sam me in a talo (terminated).
- Ika ewe Leenien Kapwung epwe seikita emon Chon Tumwun, ewe Leenien Kapwung epwe awora Letters (JDF 830) le esisilei pwe seikitaan a fis, me awora ngonuk echo kapiin ewe Order Appointing Guardian (Taropween Order le Seikita emon Chon Tumwun).
Epwe fich ngonuk ekkoch kapiin ekkewe Letters me ewe Order. Fite kapi mi fich epwe longolong woon nonnomum.
Ekkoch kapiin ewe Order epwe kawor ngeni meinisin mi eiteita woon ewe Order.

Kinikin 5: Minne a Lamot mwirin ewe Leenien Kapwung a Seikita emon Chon Tumwun.

- Amasoua, sain, me atoura ewe Taropween Sileen Wis (JDF 800) ngeni ewe leenien kapwung. Letters of Appointment esap fis mwen ei taropwe a tour.
- Amasoua, sain, me atoura ewe Probate Case Information Sheet (JDF 705) ngeni ewe leenien kapwung, ika kesaamwo fori. Letters of Appointment esap fis mwen ei taropwe epwe tour.
- Ppii ewe Order Appointing Guardian for a Minor (Order le Seikita emon Chon Tumwun fanniten emon Nau) le silei ika/ineet ewe repot mi fifis fan eu iteitan ier epwe fis. Ewe popun ewe repot mi fifis fan eu iteitan ier ina pwe kopwe ereni ewe Leenien Kapwung me chokkewe mi fit ewe case pworousen ewe Minor. Mi lamot ewe Repot seni ewe Chon Tumwun epwe kawor ngeniir mi eiteita lon ewe Order of Appointment. Emon Chon Tumwun epwe awora kapasen esilesil pwe a atoura noun we repot, kapachalong ren echo kapiin ewe repot ngeniir mi eiteita lon ewe Order of Appointment mwen engol ran ra lo mwirin ka atoura ewe repot ngeni ewe leenien kapwung.
- Ppii ewe Order Appointing Guardian for Minor (ewe Order le Seikita emon Chon Tumwun) fanniten kapas awewe le amasoua ewe Notice of Appointment of Guardian and/or Conservator (JDF 812). Ewe popun ei taropwe epwe pwe ewe Minor, ika mawaren 12 ieran, me pwal ekkoch mi silei usun ei Tingor ra tongeni eani ar pwung le tingorei taloon are willoon ekkewe wisen Chon Tumwun.
- Ese mumu ngeni ewe Minor an epwe mwokut seni Colorado chilon chok ren Order seni ewe Leenien Kapwung.

Nengeni:

Mi wor echo Puken Allilis fanniten ewe Chon Tumwun. Ewe puk a menlapei ekkewe wis me ekkoch osukosuk a tongeni ppiita, kapachalong ekkoch taropwe mi fen masousou pwe ka tongeni kae seni.

Ekkewe wisen ewe chon tumwun repwe kaulo atun sopwolan, awesin, are katowun ewe chon tumwun are atun ewe Minor a sopwolo, mwuti, pwwupulu are asimaueta. Ukutiwen wisen ewe chon tumwun ese wewe pwe wisan a wes mwen mumuutan ewe Leenien Kapwung.